



Werrds hausgeschbreech.

Vedscht hann ich in meiner Shtammkneib geseß,
Do werd hald geredd iwer fell un deß
Vum Wedder gewehnlich werd a"gesang
Un daß es schun rehhent 6 Woche lang,
Dann werd de Shtadtraad erunnergebuzt,
Vun denne wer aah de Beschde nix nuß,
Es Geld ausgeme un Schulde mache
Deß kennden se, lauder so u"neerige Sache.
Bis ähner dann greift zum Wocheblaad
Un vorlest vum friehere Bureschtaad;
Bure! Wie mich doch deß Wort a"greift,
Ich hann mich hald emol dodruff verschdeift,
Daß e U"recht, wie es so grooß un so schwer
Noch kähns war begang all die Johre her,
Die Englänner gedah" am e Belcke hann
Dem sei" ähnzig U"glück, daß es im Vann

Berje mit Gold un Diamande hat,
 Un dovun kriecht England so rasch net satt;
 Drei Johr lang hännse in Afrika
 Zeh geje ähne erumgeschlaah
 Un schließlich isseß dann werflich so kumm,
 Wies kumme mußt, mer hotten en genumm
 Ehr Selbschdsichtännigkeit, ehr Land un ehr Ruh,
 Ehr Gold un ehr Diamande dezu.
 Wohl fufzehmol froh ich jekt dagsdurch: „Warum
 Hadd net ähns vun denne Belker drumrum,
 Die zugeguckt bei dem uⁿgleiche Ringe,
 Es Herz gehadd, zwischeneiⁿseschbringe,
 Um Ruh un Feierowend se biede;
 Do redder se als vum ewige Friede
 Un kennen England noch net emol draⁿ hinnre
 E klännes Baurevolk ausseplinnre.“
 Wie ich noch simulier dodriwer,
 Do kriehen zwää Kardbrierer mer geniwer
 Schdreit, es war nor e Bagedell,
 Zeh lumbige Penning, wie de Blitz so schnell,
 Hänn se sich aah an de Kehl schon kriecht,
 Do hann ich mich dabber eneiⁿgemischd
 Un en zugeredd; waß wars Enn vum Lied?

Daß ich seledscht die Abfäll verwischd.
Do hann ich meiⁿ Bierglas schtill ausgedrunk,
Bin häme gang; ich wääß jezt genung
Un noh un noh werd mers aah klar
Warum bei dem Krieg in Südafrika
Net ähns vun denne annre Belker aah
Waß annres, als blooser Zuschauer war.

